

## Yohaneac Kibi 3

<sup>1</sup> Gaio songo tosona, ni yadangingango yoc forau geac songo negemma kibi yomoc ohogenduae.

<sup>2</sup> Songo tosona, ge ubaongagango ebiha kpac nga wiacga sasawa ifingoc naric anudeac nga hafeia kpac kecnadeac numuanduae.

<sup>3</sup> Ge faka fora nga yoc fora mekecma imoc gombunga tofohoannec, geac dedekperagi imoc tosofocnira yeneng hama degec negemba ngereeyombonggeec. <sup>4</sup> Nambaracfozna yoc forau kecdae, imoc negemba ubangerecnango wiac sasawa ferahede.

<sup>5</sup> Songo tosona, fakaga gombunga imoc mi wanec amma nenang arengfocnina nga hereaunac hakecdae, yeni momoc meficyunuanec.

<sup>6</sup> Amma ge heregoc yeneac songo negemma meficyunuanec, ngic yeneng dedekperagiga imoc kpebung yeneac kicfu degec negening. Nga yeni monggoc kenggecdeac anggec geng Anutu songoyaac sirihau ayemmema singgac memefic goa yemmema sueyununa ngereeuide. <sup>7</sup> Yeni Yesuac kpacac amma ua mekenggec, imohai bangec monnunac ngicngac yeneacunac memefic mong mi megec. <sup>8</sup> Imocac yoc foraac ua nenahafoc menideac sing, imoc fingerudeac ngic ifianoc ubangerecac memefic yemmebisina.

<sup>9</sup> Ni kpebung ngenearu kibi mong ohongemeai. Nga Diotrefe ye yengenaoc enara kecbeso ammide, yeng ine wanunuma mi hoannunude.

<sup>10</sup> Nga neng kecma ngenearu habade isoc, yeng faka angkecde, imoc didiu dekpesi ammibade. Nga ye neneac dedengbarangyoac sicsauc dema faka mangana ifia angande, imocngo mi hetuckeu arengfocnina ifingoc ama mi heiyemmeande. Nga yeni arengfocnina ama heiyemmebeso degec yeng kpetarima kpebung ngadeau faiyunuande, imocnoc dekperagibade.

<sup>11</sup> Songo tosona, geng ine faka mangana ifia mi modachesena, kpac. Ge faka gombunga modachesena. Nga ngic mong ye faka gombunga angkecde, yeng Anutuarunac nga faka mangana angkecde, ye ine Anutu mong mi henec. <sup>12</sup> Ngic sasawa yeni Demetrioac fakaya gombunga deandae nga yoac forango ifingoc ye dekperagikecde. Neni ifingoc yeac hepuc amma dengerekecdimbe nga nenang dedekperagi imocngo fora ande, imoc negennec.

<sup>13</sup> Nearu yoac ohogembadeac homac fenende nga imoc kibiuhogemba mi ngereeude. <sup>14</sup> Ni wegenanec gearu haba gegoc ewacma enacfu dengeng andedeac negensiduae. <sup>15</sup> Wonomangngo gegoc febeso. Tosofocngina yei kecdae, yeng gearu ubangerecyoac faigendae. Nga geng tosofocnina kpacnginasoc ubangerecyoac tahockema yenearu dekembesena.

**Yoac kekehagocac Dzadzahac gboria nga  
Mitiyegec  
The New Testament and Psalms in the Dedua  
Language of Papua New Guinea  
Buk Baibel long tokples Dedua long Niugini**

copyright © 2005 Wycliffe Bible Translators, Inc.

© 2012 Wycliffe Bible Translators, Inc.

Language: Dedua

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-02

---

PDF generated using Haiola and XeLaTeX on 21 Feb 2024 from source files dated 31 Aug 2023

19b7c48c-f4ce-5007-838d-58f01dc01ecc